

金  
石  
萃  
編

金石萃編卷六十二

賜進士出身 誥授光祿大夫刑部右侍郎加七級王昶撰

唐二十二

封祀壇碑

碑僅存上截高七尺二分廣六尺二分三十七行每  
行七十一字今存四十一字正書額題大周封祀壇  
碑大字篆書在登封縣西萬羊岡

大周封祀壇碑 并序

春官尙書監修國史上柱國梁王恣三思奉 勅撰

朝散大夫守口

下

惡聞乾坤大象也張三光而列五岳帝皇大寶也朝萬

因而禮百神然則歷考河圖傍稽洛讖乘樞建極闕下  
聖義農軒項氏往堯舜禹湯氏作邦畿則千八百闕下  
禪則七十二闕下唯臨闕下觀之岫纔越而齊之嶺將闕下  
三花玉樹遙分神女之臺五色金芝下秀仙厓之窟仰  
通上帝之境俯枕中樞之甸風煙萬南徵薦蘇而闕下  
昌之闕下可以召玉帛可以勤銀繩建顯號而施尊名飛  
英聲而騰茂實其唯

我大周乎

祖闕下

興王之祕籙運鵬海而首出躍龍泉而高視卷舒元氣  
分寶位於闕下宮登步太階受環圖於黃屋均兩曜而闕下  
而冊金輪聖神皇帝陛下徇齊作后聰明爲辟心懸萬

圓從鴈塔而乘時足馭千花自龍宮而應運垂大口下  
位祥龜負字懸符啓夏之徵瑞馬呈圖豫送開虞之兆  
豈獨而浮紫氣知赤帝之將興壘暎虹口表朱宣之下  
之回業聚祥經誰識去來之果延妙相於丹辰降法身  
於紫極湛然常樂輪風銷八柱之而寂余園明劔雨下  
踊懸石鏡於丹霄聖水潛開湛珠泉於碧浪澄漪寫匝  
非閨竹箭之流迴岫排雲何止蓮花之口遐循口口下  
至德掩於百代宏猷超於萬業謳歌纂錄考符瑞於堯  
終獄訟膺期送休徵於舜禪八脰四闈之制五室九下  
宮非待子輿之議懸寶思而不測運靈襟而獨遠雕

楹峻峙若鼇柱之臨空反宇中垂似鵬雲之映□□<sub>下</sub>  
紺席於雞津開紫壇於龜浦蒼龍曉闕鈎陳迴雙闕之  
前翠鳳晨張玉輦下三川之上山分虎據指□□□<sub>下</sub>  
之野開玉帷而鈐士命金壇而拜將營分水區煙銷彭  
蠡之濱陳起山虹霧廓洞庭之野三監縱慝七岡□<sub>下</sub>  
雲梯驅鴻裝而駢鳳駕未若浪井常沸雲漿鎮涌流珠  
罕匹練玉難儔偶西墮而爲尊配東皇而保祚□<sub>下</sub>  
奏飛龍遠叶高陽之代鬼神無以祕其奧造化所以同  
其節鯤池象浦纒居候甸之中細柳蟠桃未出王畿<sub>下</sub>  
庭而失所銅掌鑄於漢<sub>下</sub>金莖營於魏代空竭神仙之

望無階風化之美未有殊方送款爭馳就口之心口

闕下

崑嶠而上秀山光拂迴疑覆鼎之黃雲珠影浮空似臨

圭之白◎銅舟鐵軻凌幽駕險石磐玉環馳煙驛口

闕下

鹿銀塵季趁於帝圓龍編列壤遙通落鴈之峰象部

疏疆遠控口鷲之水時驚地豕之暴或縱豺狼之虐

闕下

毗俗皇威遠舉取八柱若摧枯廟略冥通殫三珠

如拉朽煙塵息而九區靜文軌同而萬方泰至若口

闕下

至鷲啼草秀鴈飛木落丹花翠柳送宇宙之春光玉露

金風漲山川之秋氣披繡闥而口不步做雕軒而口

闕下

庫登而俗阜高而降祚先開雨粟之禎厚坐鍾祥更錫

歸禾之瑞艾韞知懼草纓無犯鄭竹所以枝科燕口下

集黑玉來而般業泰龍飛白水赤伏至於劉亭鳳集岐

山丹書下於姬戶今 皇圖纂於七寶而冊口於口下

頭鷲鶴既巢於阿閣牛尾狼題方馴於禁籞山車澤馬

湊仙掖而駢闐丹甌黃口擁神州而駱驛祥萁候口下

曠時殊貺咸不召而自來絕代洪禎固無幽而不出於

是三靈登聽萬方翹首羣公陳禪草之儀 而子口下

者霧集叫龍聞者兩驟 宸儀迴映俄流黃道之暉

仙渙遙垂忽降丹穹之液粵以而冊萬歲二季元口下

三界有昭蘇之樂 皇恩與和氣同泛 帝澤共祥雲

俱灑車書出朔極遠而窮幽文物聲明振而動坐

闕下

之樓法駕出銅馳之道八神分衛飛蒙茸而走陸梁萬

騎齊驅擁浮雲而騰轉電虹霓作其旌旆霜雪爲其

闕下

帷宮欲野笙鏞交太一之壇帳殿歆山鐘鼓沸而中之

邑

聖皇乃端瑞珽降雕輿率百辟而虔肅契

闕下

祥光下燭金花孕彩依輦道而分暉玉醴浮甘委行厨

而蓄潤變溫景於黑陸降仙禽於丹嶠木呈連理

闕下

射牛之盛禮饒

皇猷於翠礪騰

帝徽於紫岳煙雲

動色標絕跡於千季雷雨流

恩洽殊私於萬類

闕下

賤而頌德抽兔橐而瀝思所冀

皇猷永固將九筮而



齊貞 帝祚長隆與三匝而共遠其詞曰

洪鑪始闢大象風甄四溟環壘八柱承而江河瀆薄①

匝迴旋三微遷往五運更遷

其一

文物既敘皇王有作下

弈三皇俱陳玉帛各起壇場鳥魚符瑞茅黍徵祥寧臨

太室空陟神房

其三

玉冊延祚

金輪馭極壇躡下

中千花聳塔七寶口宮傍周法界上達虛空長懸佛②

永息魔風

其五

峻極于而鬱盤于壘漢蹕徒擁虞巡莫下

躋跡蒼龍希陪

口輦願侍雲封蒲輪欲駐芝誥俄從

其七鳳驥祥季鍾圖考③法駕將備

乘輿迺出却口下

璋旌旗焰焰宮徵銷鐸口浮口④壘燭神光其九古樹三

花仙巖萬歲銀口是勒金口口口業口九皇功超口

閣下

武后封祀碑故存自號大周當時名賢皆不著姓名

於碑陰尙虞後代之譏其不典也碑之空無字處觀

聖俞記樂理國而下四人同游鐫刻尤精

謝絳游嵩山寄梅殿

丞書

封祀壇碑今在登封縣西萬羊岡下截剝蝕亾其月

日金石文

字

封祀壇碑武三思奉勅撰薛曜書按此書結構道密

較石淙殊勝碑文凡三十六行下截三尺餘剝落已

盡文義難屬

嵩陽石刻記

碑上截歷歷可摹石質堅瑩擊之作響不似他碑之  
漫漶唐武后出新意爲十九字當時臣下章奏與天  
下書契皆用之此碑可徵也碑內書人姓名今亦糝  
糊邑故家有藏明時搨本爲薛曜書名以此爲搨  
石諦觀猶可辨識說

金石錄有登封元年封祀壇碑云武三思撰薛曜正  
書寶刻類編云萬歲登封元年十二月顧炎武云下  
截剝蝕亡其年月今據寶刻類編知之碑中有兩字  
至字卽君字人字宜和書譜載武后增減前人筆畫  
爲十九字有此文但微誤耳鄭樵通志六書略作十

八字乃遺此二字新唐書后妃傳又作十二字俱不同  
同尚亦見順陵殘碑至亦見司稼寺鄉杜夫至墓志

中州金石記

碑下截風雨激射殘其年月不可見金石錄作登封  
元年寶刻叢編作萬歲登封元年金石文字記作天  
冊萬歲二年案舊唐書禮儀志天冊萬歲元年臘月  
甲申親行登封之禮禮畢改元萬歲登封据是則立  
石書石當非刻期可就顧亭林氏以爲天冊萬歲二  
年者近之然既改元萬歲登封則亦不宜稱天冊萬  
歲二年矣碑薛曜正書名今無存曜附唐書元超傳

云聖歷中附會張易之官正諫大夫者是其人也

按堂

金石  
跋

按此碑下截磨滅每行字數本無攷今準以銘詞  
二章三章共應六十四字加註其二占一格共六  
十五格而存者僅三十五字是缺三十字再以銘  
詞首章連二章八字共存四十一格加缺三十字  
是每行七十一字也所存字得十之六俱完善可  
讀壇在嵩山新唐書禮樂志不詳其制舊書禮儀  
志高宗既封泰山之後又欲遍封五岳至永淳元  
年於洛州嵩山之南置崇陽縣二年七月下詔將

以其年十一月封禪於嵩岳詳定儀注於是議立  
封祀壇如圓丘之制尋屬高宗不豫遂罷封禪之  
禮則天垂拱四年將有事于嵩山先遣使致祭以  
祈福助至天冊萬歲元年臘月甲申親行登封之  
禮改元萬歲登封三日丁亥禪于少室山又二日  
己丑御朝觀壇朝羣臣咸如乾封之儀志雖不言  
則天時壇制如何大約卽高宗時詳定之制而行  
之志於禮畢後但載有則天自製昇中述志碑樹  
于壇之丙地而不載此碑通鑑于天冊萬歲元年  
四月天樞成書武三思爲文太后自書其榜而于

此年封嵩嶽亦不書武三思撰文之事金石錄宣  
政雜錄並言昇中述志碑政和中河南尹上言請  
碎其碑詔從之而此碑幸存不在槌碎之列碑題  
春官尙書監修國史上柱國梁王臣三思奉勅撰  
舊唐書傳三思后族則天革命封梁王證聖元年  
轉春官尙書監修國史略涉文史以則天厭居深  
宮欲與張易之昌宗等扈從馳騁以弄其權乃請  
創造三陽宮于嵩高山興泰宮于萬壽山請則天  
每歲臨幸而不書其撰文紀封祀之事殆事出不  
經紀載從略宜也金石文字記稱此碑爲薛曜書

今但存朝散大夫守五字兩唐書薛收傳收子元  
超元超子曜以文學知名聖歷中修三教珠英官  
至正諫大夫而不著聖歷以前官朝散大夫階從  
五品下碑有守字不知所守何官也碑無歲月寶  
刻類編以爲萬歲登封元年十二月者記登封改  
元之年月也金石文字記作天冊萬歲二年者以  
碑中有天冊萬歲二年字也蓋登封行事尙是天  
冊萬歲禮畢改元則爲萬歲登封其實皆一時之  
事也文皆稱頌武氏之諛詞大抵諸臣媚子北門  
學士等代三思爲之詞雖偉麗無足深攷碑書虎



字已不避葉字仍作葉避世字也

梁師亮墓誌銘

石高二尺九寸廣三尺四寸十九行  
行二十八字正書在西安府百塔寺

大周故瑯州榮德縣丞梁君墓誌銘

并序

君諱師亮字永徽安定烏氏人也若夫河汾潯浹大啓  
濫陽之源幽雍林垆勃興笏石之址則有武威太守軒  
冕赫奕於鄉亭并州刺史旌棨駢闐於門巷大父殊隨  
任右監門錄事顯考金柱唐奉義郎並行高州讓道茂  
王侯楊雄非壘之書我家時習方朔易農之仕吾人所  
尚君珠藪夜光玉田朝彩張仲孝友早爲立身之具夫

子溫良持作揚名之本未嘗欺於閭室何謝古人風不  
忤於虛舟自符先達棲遲禮讓擯落騎奢弋釣丘墳耕  
耘道藝詞包吐鳳傲三變而英峙字抱迴鸞雄一臺而  
介立聲馳④下辯振雲間後進欽其領袖時輩宗其瑚  
璣起家任唐朝左春坊別教醫生搵衣鶴禁函丈龍樓  
究農皇之草經研葛洪之藥錄術兼元化可以滌疲痼  
學該仲景因而昇上第屬龍庭⑤滿鹿塞塵繁命將出  
師千金之費逾廣飛鷲挽粟萬里之糧宜繼君戶庭不  
出羣甲匪疲遙同轉輸之勤遂獲茂功之賞永隆二季  
以運糧勲蒙稅上柱國旣而欽明廢代官車晏出守文

承應

園陵繕修紀市功成實憑子來之力穀林

務畢仍覃發衷之旨垂拱二季以

乾陵當作功

別

勅放選釋褐調補隱陵署丞解巾從宦智效

事宜結綬當官幹能斯著秩滿俄而上延

朝請

穉環州榮德縣丞貳賦千石贊務一同蠻陬又寧平人

是賴終使悠悠墨綬方宏上艾之風泛泛銅章行闡史

牟之化隨牒云滿解印言歸吹蠹餘火纏迫少城之壘

遊魂永逝崩摧武山之石以萬歲通而元季七⑤二⑥

終於益州蜀縣春秋冊有七嗚呼哀哉卽以萬歲通而

二季三⑤六⑥葬於雍州城南終南山至相寺榭梓谷

信行禪師塔院之東陪先塋也嗣子齊望嬰號越⑤孺  
慕彌垂悲懷袖之靡依慨舟塋之潛運黃墟九塋始殿  
荒戀之情履夜三泉終藉鐫題之事乃爲銘曰

東京后族北坐邦君七侯馳譽三主揚芬瑞掩金冊榮  
繁寶罇數諸隆盛曾何足云祖孝餘慶英髦間出嘯傲  
參靡乘凌喻②溫恭宅性廉白成質詔思漆書儲精綠  
表鴻陸爾漸龍門早昇聲敷寢廟智效

圓陵

而朝我黜縣道爲丕勛疑邊微化協黎蒸還塗未極生  
涯遠已瞑目他鄉歸骸故里新封暫啓賓御燥而野雲  
愁舊壠長局松楸昏而山霧起碑闕方交暎陵谷兮潛

徙所悲螻蟻之埏銷淪而壘之紀

師亮字永徽以本朝年號爲字猶漢袁紹之字本初

質帝年號本初

古人之無避忌如此

金石文字記

右珍州榮德縣丞梁師亮墓誌元和郡縣志珍州貞觀十六年開山洞置并置夜郎麗泉樂源三縣別無榮德之名惟濠州有榮懿縣濠與珍接壤而德懿字形亦相似豈榮懿卽榮德之誤而榮德又嘗改隸珍州乎然無他文以証之矣唐書地理志謂元和二年珍州廢縣皆屬濠州攷元和郡縣志珍濠各自爲州尙未改併吉甫薨于元和九年十月故志所載有八

年九月事而珍州之廢志無其文則唐志以爲元和二年廢者又未可信也師亮以出貲助轉餉永隆二年授上柱國與澤王府主簿梁君同又云起家左春坊別教醫生攷百官志左春坊藥藏局有郎丞侍醫典藥藥童無云別教醫生者惟太醫署有醫博士及助教掌教授諸生然則師亮殆以醫助教入侍官坊者歟又云調補隱陵署丞攷唐六典隱章懷懿德節愍惠莊惠文惠宣七太子陵署各令一人丞一人又唐書儒學傳亦云隱章懷懿德節愍四太子並建陵廟分八署置官列吏卒是知隱陵者隱太子建成之

陵太子陵不別立名以諡爲名也此胡三省通鑑注

所闕潛研堂金石文彙尾

按武后所改字授作楸契苾明碑作菴今梁師亮墓

志作穉凡兩見均有小異雍州金石記

思亮字永徽安定烏氏人起家左春坊別教醫生以

突厥入寇轉粟功授上柱國修乾陵補隱陵署丞請

授榮德縣丞卒生平無甚著聞可見者如斯而已書

者筆蹟工整猶有歐虞遺法文中多用武后新字鄭

樵六書略所載爲板本所亂以此與契苾明等碑攷

之庶得其正云關中金石記

志拓本完好偶于大梁書肆中得之亟搆以歸尋次  
漫無可推証獨志所云梁君起家任唐朝左春坊別  
教醫生案之唐書皆乖刺不合百官志東宮有左春  
坊其職任但于膳藥有所司而別教醫生之文則志  
未嘗及太醫署醫博士掌教授諸生針博士掌教針  
生以經脈孔穴如醫生其官又不在東宮今志牽附  
左春坊之下或左春坊于東宮內既典膳藥矣而其  
所隸諸醫生亦當因事教之是于史文特未具故以  
志所錄亦可附見也志又言永隆二年以運糧勳蒙  
授上柱國垂拱二年以乾陵當作功別勅放遷釋褐



調補隱陵署丞又云上延朝譴授珍州榮德縣丞梁  
君歷官亦或遭時倖位不足殫述然子當日權宜之  
制多爲史所未備故并爲著之

授堂金石跋

按碑直以君諱師亮起不加鋪敘之文體之簡質  
者也敘先世祇及其大父顯考則其高曾之不甚  
顯可知其敘遠祖有云武威太守軒冕赫奕於鄉  
亭并州刺史旌棨駢闐於門巷武威謂漢梁統烏  
氏人更始拜爲酒泉太守并州謂漢末梁習曹操  
辟爲漳長累官并州刺史碑云大父殊隨任右監  
門錄事隋書百官志左右監門府掌宮殿門禁及

守衛事有錄事一人顯考金柱唐奉義郎唐書百  
官志有奉議郎階從六品上無奉義郎疑碑訛書  
也師亮以萬歲通天元年卒春秋四十有七推其  
生在永徽元年其永隆二年投上柱國年三十三  
是時突厥寇邊命將戰伐運糧著勲當由于此前  
此則云其家在左春坊別教醫生因昇上第而不  
著何年百官志東官志武德三年改內允日中舍  
人隸門下坊龍朔二年改門下坊日左春坊咸亨  
元年復舊景雲二年改門下坊復日左春坊則師  
亮之任左春坊在龍朔二年以後咸亨元年以前

其時年不滿二十安能充博士教習醫生玩碑有  
因昇上第之語似乎師亮自充醫生而受博士之  
教業成而昇上第也唐制官吏勲級凡十有二轉  
爲上柱國視正二品師亮以運糧授上柱國之勲  
似與納粟賜爵之例相仿而史志不詳又垂拱二  
年以乾陵當作功別勅放還高宗之葬在嗣聖元  
年八月至垂拱二年乾陵始畢功是師亮以山陵  
勞績注還且有上柱國之榮勲而釋褐祇補隱陵  
署丞此亦可見當時授官不係乎勲之高卑也師  
亮有子齊望不書官位是未仕也

馮善廓造浮圖銘

碑高二尺七寸廣二尺六分二十一行  
每行字數不等行書在許州府具葛縣

浮圖銘

趙顛撰

書銘人佛弟子姚璟

夫以陰魄陽魂如風似燭歎浮泡之易盡口口口之難  
口預啓津梁不憂生滅高託蓮花之上遙歸柰苑之中  
萎矣哉不可得而言也況口雞鳴遠系郎署遙基門德  
早通時英不絕曾祖諱忠祖諱推父瓊琳玉葉俱抽撲  
漢之陰騭子龍文並跡追風之影父諱敬夫人沉氏或

碎珠鬢領貽試將來或斷織蛟梭退吞故事既侵蒲柳  
早歸松柏孤子善廓等哀縗露蓼痛軫風林追念二親  
願從三寶所冀先靈納祐遊定水之津梁後嗣承恩八  
慈門之戶牖以大周萬歲通而二季歲次景申肆④景  
濱朔拾肆⑤己卯遂造浮圖一所石像口區尔其靈石  
疊重雜煙雲之氣色紫金圓滿含⑥之光輝對喬木  
之隱而卽爲龍樹俯通波之⑦壘聊當猴池雖則事畢  
功口然恐山移海變須垂不朽敢作銘云

前代後代非一代兮前身後身非一身兮精進禮拜得  
超界兮歸依念因能出塵兮迴向功德生淨域心

緒清勤離苦津長遊滿<sup>④</sup>之舉永抱飛而之人

佛弟子馮善廓

妻王弟善宏

妻樂弟善慶

妻張

弟二

弟二

弟二

弟二

娘 姊四娘

孫男嘉會知口知恩孫女金妃娶妃

要好要月伍娘阿六八兒九娘十娘 先亡姊大娘

三娘五娘及見存兒女等

釋元楷等一心供養

其文甚工字亦有姿致惟寫美爲菱纏爲纏丙寅爲  
景演不朽爲不朽皆異文此碑新出故金石家多未  
著錄也碑中有龕刻石像字在四圍

中州金石錄

右馮善廓浮圖銘月日用大壹貳字它碑所罕有碑

書夫人沈氏卽沈字今俗浮沈字多作沉欲與沈姓  
之沈示區別蓋失之矣文云陰魄陽魂如風似燭按  
古詩百年未幾時儼若風吹燭陸倕思田賦感風燭  
與石火嗟民生壽若寄庾信傷心賦一朝風燭萬古  
埃塵唐汝南周君墓志亦云風前失燭知此語相傳  
久矣酒研堂金  
石文跋尾

按碑云大周萬歲通天二年歲次景申肆月景濟  
朔拾肆日己卯萬歲通天二年是丁酉歲非丙申  
是年九月改元神功故四月尙是萬歲通天二年  
據通鑑目錄丙申歲三月壬寅朔五月辛丑朔則

四月是壬申朔惟丁酉歲三月丁酉朔五月丙申朔則四月正是丙寅朔碑作景申歲者誤也

香冥君銘

此碑從喪本錄出  
廣行字無攷正書

鳳閣舍人河東薛稷爲文并書丹

悠悠洛邑眇眇伊煙屢移寒暑頻經歲年丹壑幾變陵  
谷俄遷不覩碑碣空悼蘿煙其時代攸徙寧窮姓氏匪  
辨口口誰分朱紫翠墳全歎鷹高亦毀久歇火風爰輔  
壘水其靈跡難訪莫知其狀彷彿空臺依稀泉帳草積  
丘壠松高巖嶂乃眷幽途彌增悲愴其于彼兆域是生



荆棘松劍猶存榆錢可識覽物流口口口太息欲致禮  
於潛魂聊寄言於翰墨

大唐神功元年丁酉歲十月一日

右唐杳冥君銘鳳閣舍人薛稷撰并正書此銘集古  
錄不載歐陽公益未之見趙氏金石錄雖列其目而  
云無書誤人姓名則亦不知其爲稷也 銘文但云  
悠悠洛邑眇眇伊壘又云靈跡難訪莫知其狀則稷  
未嘗真知墓地蓋汎然而銘之耳後讀陳子昂集見  
其冥冥君墳記云皇帝因登緱山望少室尋古靈迹  
得王子晉之遺墟在永水之層曲欲開石室營壽宮

庀徒方興得古藏焉內有戲瓦長二丈二尺闊八尺  
中有古劍一銅碗一瓦器二又有古五銖錢朱漆片  
及根撥之應手灰滅卽具物備容還定舊璜哀其銘  
志磨滅姓名不顯乃錫之名曰冥冥君云觀子昂文  
則墳膏發於武氏揜而錫之以名亦武氏也夫以殘  
酷不仁之人而能爲此此固死者之幸但稷曰杳冥

此曰冥冥蓋杳冥冥冥無二義也

金薤  
琳瑯

按杳冥君銘董文敏戲鴻堂帖載之銘詞末題大周  
神功元暉丁酉歲拾叵壹②鳳閣舍生河東薛稷爲  
文并書丹金石錄云無書撰人姓名似未觀此記也

中州金石攷

按金薤琳瑯引陳子昂冥冥君墳記云云据下卷昇仙太子碑所云方依福地肇啓仙居開廟後之新基獲藏中之古劔正指此事與陳記合蓋因建昇仙廟開基掘得古藏不知誰氏目爲杳冥君而作是銘也武后以萬歲通天二年九月壬寅改元神功是月甲午朔壬寅是初九日此碑立于改元後二十三日也碑前題鳳閣舍人河東薛稷爲文并書丹新唐書傳稷字嗣通道衡曾孫擢進士第累遷禮部郎中中書舍人睿宗踐阼遷太常少卿

封晉國公累遷黃門侍郎參知機務罷爲左散騎  
常侍歷太子少保禮部尙書舊唐書畧同皆無鳳  
閣舍人之文據唐六典光宅二年改中書爲鳳閣  
新唐書百官志作元年按光宅無二年  
是年正月丁未改元垂拱六典誤也神龍元年

復舊其屬有舍人六人僕載稷之官中書舍人在  
睿宗踐阼以前正是武后時此碑書於神功元年  
在垂拱之後神龍之前正當作鳳閣舍人碑爲可  
徵傳云中書舍人誤仍舊名也稷善書畫歷代名  
畫記稱其善人物雜畫畫鶴知名朱景元唐朝名  
畫錄載秘書省有畫鶴時號一絕曾旅游新安郡

遇李白因相留請書西安寺額兼畫西方佛一壁  
杜少陵有詩云又揮西方變發地扶屋椽其書在  
當時與歐虞褚並稱四家兩唐書傳皆稱稷外祖  
魏徵家富圖籍多虞褚舊跡稷銳精摹倣筆態道  
麗張懷瓘書斷稱稷書學褚公綺麗娟好可謂河  
南之高足少陵詩又云少保有傑作得之郊陝篇  
其爲時所珍如此而今碑本流傳者僅見于此而  
已

### 王仁求碑

碑連額高八尺四寸廣四尺五寸七分三十四行行  
五十一字額題大周故河東州刺史之碑十字並正

書在雲南  
安寧州

唐朝改使持節河東州輔軍事河東州刺史上護軍王  
府君碑銘并序

成都閭丘均文 長子雲麾將軍行左鷹揚衛翊府  
中郎將使持節河東州諸軍事兼河東州刺史上輕  
車都尉新昌縣開國子公士王善寶自書

夫神有所服謂之威名有所宗謂之德威非大者則不  
能以率服德非厚者則不能以獨宗是故靈鳳口絕於  
雲氣口從衆鳥猛虎眈踞於山林震口百獸豈其締節  
毛羽以求嘉口之殊磨利爪牙以取雄羣之勢蓋云材

力所素出口象所自全固其然也抑聞緒之明珠多從  
於西域異物奇玩必致於南州期於服用口口充光內  
府十金是資萬乘爲器者何必顧口墮而口口黜幽荒  
而靡錄哉君諱 仁求安寧郡人也其胄出於太原

因遷播而在焉十有餘世氏族之系肇命王子口口之  
美稱高汾晉口品節義氣相續於家風口代口口口歷  
書於史筆故知今古口口其口昔有夏之衰弃稷不務  
至乎不甯用失其官自竄於戎狄之間莫思於先君之  
業守以敦篤奉以忠信口世口口不忝前人擬之其倫  
忠以匹合口口有麟所居必口而太伯迷吳文身之風

既習少卿降虜毳莫之化無違夫豈□□□□□□  
□事有與適安土恒□其宜時□可從□禮必同其欲  
祖□□漏隨別駕幹具莫爽風□軒邁鷹揚推於顯化  
驥足整於長途□□□□隨大都督身日律度材□梓  
漆劉廳望賢於十部陶侃榮重於八州君邁行運之秀  
德膺鬼神之靈會道與其□而□乃聰□⑤在懷□寶  
□目謂海蓋廣土量□澹而□□謂山蓋高□容隆□  
而難仰智則有達明則能通推可而斯行擇善而□動  
不事於所欲不爲於所求□□所以久恃貞果所以立  
□□□多其信行州里高其義聲大略觀書知風聽樂



擊劔盡騰援之術□□□歛羽之妙可以往□尔事臣  
飾有邦故王制輔成以□貢賦至于五千里州十二師  
外薄四海咸建五長君有運理羣物之才□□保邊裔  
之略無待累次直綜□□□出口使持節河東州諸軍事  
河東州刺史加上護軍由乎大翼負風凌而地以絕奮  
巨鱗激水期□□而一□若乃訓以生聚之方開其資  
財之道顓川澤之利□山林之饒內足以養老盡孝外  
足以事上供稅力役齊平教化清靜通其變使人不倦  
愛其費使人以時賞及馬牛恩肥土□庶心咸服冀俗  
□歸□未能大革情性均之雅俗□□一變風聲□□

賢史矣。虜口將求寵於大國，以和其民人，招慰奏置姚  
府已西廿餘州，俾睦口德口前漢六代外事四夷，開夜  
郎之道，綏哀牢之口口口口口聲化率流，既處於僻界，  
荒垂不能爲中國輕重，時復廢棄，但云黠戛君以壘形  
平衍，生殖豐草，口延企而口思宜郡縣，以口事口平唐。  
運實口其勤孰與使者唐口疆略南壘，轉粟深於驚恐，  
發卒至於殘傷，可同。論哉！然貪戾君長負遠，放命災  
我城邑，延口平人口口州刺史蒙口實治其亂，咸亨之  
歲，大羊大擾，梟將失律，元兇莫懲，君武口口口義以憤  
惋口犀口以奮擊驅虎口而先口口口猖狂之種，殲厥

通口之師遐垠是賴到于今而克寧勲在王室藏於盟  
府則侯子綺吾破虜截級中因蒙其惠帝王口其身口  
口口山巖口所謂口密無形爲計口主堅強不變爲圜  
口口者已嗚呼口日故矣誰留於變化梁其壞乎已非  
於晴昔堊賢皆死而道謂口口咸亨五季八⑤十五⑥  
寢疾而終春⑦卅四長子雲麾將軍行左鷹揚衛翊府  
中郎將使持節河東州諸軍事河東州刺史上輕車都  
尉新昌縣開國子公士善寶炳靈渙水口神禺山端儼  
望商賁不雜音儀朗乎秋⑧詞令潤平春雲如蘭之  
金之利能口能惠不忌不尅誠立無易於暗昏言

出必應於遠邇故能保世滋大昭前之光鳴將驚人飛  
而食口張博望收虜於屬國魏獻子受口口和我功熙  
亮采職庀中外雖則符守方鎮恒以宿衛京都至於朝  
庭班爵之儀彝倫上下之序樂懸禮物之數軍麾國憲  
之容莫不口懷習禱流入骨髓乃感念追遠永言孝思  
污隆適從無所失道口口兼有執而能脩張於神明之  
器附於糸衾之物崇其封坐設口口口鬱鬱潤澤白虎  
之候可占洪洪博平雄龍之象終吉故其土性惇質有  
如上代安錯儀軌弗踐終經聞斯行諸宜我告始則知  
口口合葬自周公而乃來古不高墳傳孔丘而其立固

率而作者聊使於事業迹而用者遂成於典謨夫身已  
沒而名不盡世彌久而功愈劬凡百口垢託乎符紀一  
口至行二美具存愛之斯錄之矣敬之斯盡其道焉銘  
曰

先王疆理其義賓睦小因附庸因弗祗服墜人在位羣  
生蒙福寔育口賢爲之司牧翼翼夫子守終純口振鱗  
洪波驤首而路口口郡道名擢欵慕平此兇驕掃茲氛  
露高烈時暢懋賞惟嘉敦愛種落輔助邦家嘗聞仁善  
享壽宜遐口口不續真鳥嗟嗟先以遠安其宅兆墓  
門將閉陰堂不曉口口隴煙哀悽山草行人墮淚空見

銘表

聖曆元季丑匹拾柒②葬其季拾匹拾④立

右河東州刺史王仁求碑同年王述庵侍郎任雲南  
方伯時所贈向來收藏金石家皆未著錄其額云大  
周故河東州刺史之碑而題稱唐朝故使持節河東  
州諸軍事河東州刺史上護軍王府君碑銘者仁求  
卒于高宗朝其長子善寶襲職至武后聖歷元年始  
爲樹碑相距已二十五年仁求固唐臣非周臣也攷  
河東州本唐羈縻州隸黎州都督府史但言開元前  
置據此碑知高宗朝已有是州矣仁求卒於咸亨五

年八月十五日是月改元上元未改號以前仍稱咸  
亨碑刻紀年之例如此明史稿昆陽州唐置河東等  
州沒於南詔元置昆陽州其所領三泊縣北有河東  
故城今三泊縣亦省入州矣善寶出於蠻夷而書法  
淳古可愛當是華人游其幕者代爲之耳

潛研堂金石文跋尾

按善寶見舊唐書張柬之傳垂拱四年蠻郎將王善  
寶昆州刺史蘇乾福又請置州奏言所有課稅自出  
姚府管內葢于其父仁求舊官所區置若此仁求以  
碑稱安寧郡人其先出於太原因遷居而在焉蒞官  
之地云招慰奏置姚府已西廿餘州又開夜郎之道

綏哀牢之口問罪荒垂口能爲中國輕重時復廢棄  
但口羈縻舊唐書地理志姚州武德四年置在姚府  
舊城北百餘步安撫大使李英以此州內人多姓姚  
故置姚州管二十二州元和郡縣志姚州本漢雲南  
縣之地武德四年安撫大使李英以此中人多姓姚  
故置姚州爲瀘南之巨屏碑云招慰奏置卽指安撫  
李英也姚府已西廿餘州志稱二十二州數亦相符  
惟碑額河東州之名志言黎州統制五十四州有河  
東州皆徵外生獠無州羈縻碑謂問罪荒垂及云時  
復廢棄但口羈縻則是仁求于河東州克復其地亦



已屬之羈縻故爲此州刺史矣若志所指皆徼外生  
獠者疑不盡然碑稱貪戾君口負遠方命口我城邑  
州刺史蒙儉實始其口咸亨之際大羊大擾梟將失  
律羣兇莫懲君以奮擊殲厥逋誅之師吐蕃傳咸亨  
元年四月詔以右威衛大將軍薛仁貴爲避婆道行  
軍大總管左衛員外大將軍阿史那道真右衛將軍  
郭待封爲副率衆十餘萬以討之軍至大非川爲吐  
蕃大將論欽陵所敗仁貴等並坐除名碑言裒將失  
律謂此也吐蕃與南詔蠻壤接仁求或以舊官于姚  
府而接師防邊得制其逃逸固宜有此然不得附傳

于史有漏也碑額稱大周河東州刺史碑身又題唐  
朝故使持節河東州諸軍事河東州刺史上護軍蓋  
仁求之厥在咸亨五年八月故稱唐官以終及立碑  
已當武后改號故復題爲大周今以碑所書則天偽  
制字最多知其立石於武后時也拓本爲青浦王少  
司寇所贈遠地邊徼石刻罕能搜剔予故珍惜書之  
授堂金  
石跋

按此碑從未經人椎拓諸家金石書皆未著錄昶  
官滇藩時閱省志見唐刺史王公仁求墓在廢三  
泊縣南二十里三泊縣元置明存今廢併入昆陽

縣屬安寧州北距省城二百餘里州城南蔥蒙山  
山卽墓所在上有碑銘墓廢久碑尙存志載仁求  
事蹟僅稱其漢夷悅服而已因屬太和知縣杜君  
鈞使善拓者拓之於是始得其大略碑云咸亨之  
歲犬羊大擾梟將失律元兇莫懲舊書高宗紀咸  
亨三年正月辛丑發梁益等一十八州兵募五千  
三百人遣右衛副率梁積壽往姚州擊叛蠻新書  
則云姚州蠻寇邊太子右衛副率梁積壽爲姚州  
道行軍總管以伐之其戡定之日本紀及南詔傳  
皆失載証以碑當是薛仁貴敗績仁求佐梁積壽

削平之河東州唐書地理志隸黎州都督府惟安  
寧稱郡史志失之僅有安寧縣屬昆州隸戎州都  
督府未知卽仁求里貫否也唐制左右衛上將軍  
缺以中郎將代光宅元年改左右侍衛曰左右鷹  
揚善寶嗣官正直武后時故碑亦用其所改字而  
結銜書內官者以嘗宿衛京師故也昶因碑以得  
其墓令知州董君傑修之且求其後人還諸墓田  
之被侵者于是其裔孫沛元等請立石以記夫滇  
南自漢建元間開西南夷通牂牁江後如爨習李  
恢之徒屢見於史若仁求奏置姚府已西廿餘州

又以地形平衍生殖豐阜謂羈縻廢棄之地宜置郡縣故南詔之見於傳者實自高宗年始其功甚偉且碑係善寶自書字畫古勁益游被華風有足嘉者既爲文以表其墓因拓其舊碑多翻徧遺諸同好共鑒藏之

潘尊師碣

裝本尚廣尺寸行字皆不計  
隸書在登封嵩山老君洞

唐黜僊中岳體元先生大中大夫潘尊師碣文并序

雍州司功王適撰序

弟子中巖道士猷扁帶筆書

古傳列仙自黃帝尙矣或解形默逝或練氣昭升然業  
與代殊古將今遠聞之者不見見之者不留世勣以局  
守增疑神人以密化爲貴故其道彌大其議彌乖非理  
契冥通精存靡覽者不可得而論已尊師趙國贊皇青  
山里人也族潘氏名師岳字子真唐嵩山上清之鑿真  
者也尊師體元和之精含太素之氣誕彌之夕景光充  
廬客曰此天階之祥非世貴者旣而生有僊骨幼無童  
心足蹈龜文手垂過膝風儀盅秀操履峭貞季十二通  
春秋及禮見黃老之旨薄儒墨之言白雲在天心已遐  
奪十三喪母氏攀墳栢以泣血伏塚廬而推心緬惟大

孝嚴天非負土之義慎終崇德實致福之基大業去季  
回手謝俗居金丹之術祈玉清之臺却粒而練飢鬻菁  
以虛藏身外無影骨間有聲時升麀真人王君尻在茅  
山山有華陽洞天羣僊之府乃負笈潛往結草幽尻受  
祕錄於金壇奉牒文於石室王君以尊師名著紫簡業  
盛黃丘指以所尻告歸中击於是竭來上圖賁趾中經  
漱陰與之雙泉庇陽崖於二室寢真孤宙垂將十季以  
其樵歌尚通隱跡或至歷羣巖以選勝窮絕界而擇幽  
得逍遙谷者有古僊之跡雄峯晃眼抗升天之階北谷  
空冢洞入冥之路於是口林石結茅構燒楓栢而戒埽

練松朶以存精志逸翔雲神合浩氣吞沆瀣以龜息吸  
喬皇以龍盤青古不留丹田已見冥冥五紀邈與代殊  
想望三清悠然景會上元三季

天皇大帝幸洛

都睇嵩阜謁三元之洞微六甲之圖尊師以道有所申  
貴有所屈竟不屑命對以無爲後季巡鶴許京屬想太  
室願言霄極佇降雲輅師仍爰几謝以幽疾至調露元  
祀<sup>中</sup>惟孟寒

天子迺印運堯心夙整軒御萬騎

雲躍六龍天飛清碧瑤之壇訪皇人之道會師於嵩陽  
觀焉時

天闢金輪聖神皇帝潛光寶緯佐理瑤

房次所絳闕之遊遙契紫元之妙霓裝羽從齋心致謁



既而

皇眷靡歎青谿尙渙乃稅瀆駕尋歷時風

伯埤擎雨師空巖④⑤按唇以流光○辰環拱而列曜  
揜紫蘭以承玉輦闢丹桂而交翠旗天步穆清雲尻攸  
止鴻崖絕以抗室交松森而環階藥銑絕煙無若火化  
林扉擁霧有同巢尻 天皇乃幸結茅御蟠木訪

天人之際宥性命之元欣然順風歎以頽景睿情遐佇  
欲罷不能爰 制有司就師立觀卽於逍遙爰谷建墜  
唐焉神皇雅尙僊圖永懷祕訣每洒心咨道探蹟求真  
希步景於青元想餐霞於紫府嘗致書曰九宮神祕願  
已通其大綱太一紫房猶未解其深旨尊師微言並荅

祕世莫聞明季仲春 上又以乘輿步輦致師於洛城  
亂宮經畢圭之禁林造上陽之僊閣龍香竟路羽蓋駢  
陰 天子側席齋宮虛檢宣室是②八風激景五  
雲卿竊萬姓躊躇以聳矚百神翕習而發幽真與聖冥  
顯與晦接迭聽千古斯其一交者矣尋而瑞節言旋攀  
石梁之幽阻神番動息賦瑤池之浩歌遷延永懷恣而  
不及乃降 制命以嵩陽觀爲奉天宮苑接墜唐塗鄰  
爰谷左闢僊遊之路右扃尋真之門丹陛亘於雲扃紫  
微通於煙幌 大帝於是排閭闔弛鉤陳超巖嶮御嶙  
峴併中侍肅外思若忘天下窅然踰旬後季復降師於

金闕亭問三洞之階稽七真之祕 神皇親饌金鼎而  
獻玉厨五芝雲敷八桂霜靡允執天師之禮以旌問道  
之勤又以功德事咨祈景福乃於太子甲弟建醮道之  
聖老君壽宮立應元之觀二名稟於師口雙榜題於

帝筆有 制屈德遙統其綱將以光振王司慶滋瓊府

上乃降雲罕奉觀風命百寮陟九部衣冠趨而銅路  
咽鐘鼓舉而天津沸龍旗鶴蓋紛以揮霍僊童靈妃忽  
其倏閃翌曳聲散景滅若屆殊庭<sup>⑤</sup>曙煙飛已尋幽谷  
斯亦上九不筵之遽反一無跡之行焉其後 乘輿屢  
陟山宮必瞰瓊野之間尊師淡視絕景不降河宗之尻

雖甫對雲霓蓬壺之悅忽而塵通寤寐若肯庭之貯  
蠶永潭元季缶⑤乙未崇翰風霽乙亥雲滅忽而有聞  
若萬籟聚徐而聽之則五音餘非太常之樂聲卽塵都  
之僊韻中使具以狀聞 帝曰潘尊師其升乎卽⑥駕  
幸奉天上謁虛室帝子扈蹕王姬陪輦暨于塞峯鼓景  
肝谷生陰黃竹申悲丘陵有贈尋而 高宗狀世乘很  
白雲我師寧極獨守塵牝後季夏一⑦謂弟子曰吾  
獲保茲嶺于今五十餘年靈異在谷僊鶴滿野俾吾不  
接萬乘之尊亦庶幾乎輕舉矣今名登塵錄身歷太陰  
升塵之言信吾命也是朔之夕辰爲麗天鹿鳴羣山雉

雒衆谷翌②師曰吾其蛻矣乃闔門入靜端坐焚香④  
至于望⑤臨于甲命香水投青符浴蘭房報紫褐曰反  
吾澌矣亭午將化留此十旬歸吾石室乃遺形爰景濟  
神幽毓于時紫氣氤氳以易燭紅雲蕭索而上延郁行  
芳藻流晷煙靄之表若有人焉 聖神皇帝聞而興感  
乃降寶命式謚松扁曰去乘空晚軒皇之駕不追今歲  
秋國廣成之尻又宗以此哀悼情何可任贈太中大夫  
追謚曰體廟先生昭園禮也尊師亦尙聖密勤茲幽深  
理心事天所寶唯齋絕壁棄謫不曜其光故真感冥期  
珍圖祕學性與天道不可得而聞也若乃崇櫻曠迹還

情遠意志摩青雲蓬視紫閣每歎曰大丈夫業於道不  
能投身霄嶺滅景雲林而痕痂此山以煩世主吾之過  
乎遂欲東求蓬萊孤舟入海屬 天皇敦篤斯道祈歎  
逾溪遲躡山隅絕策未往旣而金格有命鑣鑿遺區於  
戲昔姑射有神人堯輕天下空峒有至道軒屈順風靡  
真高蹤萬古同德何其盛哉尊師有弟子十人竝僊階  
之秀然鸞姿鳳骨眇悉雲松者唯潁川韓法昭皆稟訓  
瑤庭密受瓊室專太清之業遺下僂之儔谷汲芝耕服  
勤於我蓋歷歲紀也昭等永惟尊師靈迹洞業高淡邁  
古而棄世往矣其若之何乃琢石幽山申頌顯德其頌

曰

黃帝得道白<sup>②</sup>登天姿松度世紫岳乘煙業祕千古精

淪九僊真蹤誰嗣猗吾體<sup>其</sup>體靡維何僊骨天植冲

而神秀幼有至德雲性鳴鸞冥心龜息靡風獨邁白賁

無飾<sup>其</sup>金陵福坐茅山洞天高真靈景終古貞全寥寥

太素眇眇升輝惟我師友負笈往焉<sup>其</sup>始受玉書卽入

瓊室機先體二道惟得一學備青台化窮丹術餐霞朶

奔抱景期畢<sup>其</sup>靡真有命黃丘是理煙霞來歸雲林萃

止葆光藏密冥機良美嶼螺與尻象罔而已<sup>其</sup>有唐天

子樂我雲僊芝駕羽蓋蜺旌鳳旂齋心來謁契道忘筌

瑤池一去鼎化千華其煌煌女希繼天而立黑龍既濟  
丹鳳攸集宗我仁師緬懷真級紫房問道青元迺習其  
輝功聿就洞業克成青童肅謁絳虬來迎揮神默解口  
升霄行去去金闕悠悠玉清其巖幽碧洞峯秀金臺少  
君斯舉青子時來貞松雲鬱虛室霞開礼言千廟歸鶴  
徘徊

大周望應二季太歲己亥二匹八②建立

今在嵩山老君洞南題云弟子中巖道士狹馬蘭系  
書按唐隱逸傳司馬承禎字子微事潘師正書傳辟  
穀導引術無不通師正異之曰我得陶隱居正一法



逮而四世矣則此碑稱弟子者司馬承禎也廣韻厥  
亦司字老君洞卽唐之逍遙谷潘師正傳云居逍遙  
谷高宗詔卽其廬作崇唐觀及營奉天宮又勅直道  
遙谷作門曰仙游北曰尋真

金石文  
字記

碑立承天宮前原隸書書人泐其名按師正弟子司  
馬承禎碣爲承禎書無疑用筆稍肥然姿致道媚文  
亦清麗可誦

說

題云弟子中巖道士厥馬爾筆書寶刻類編有此碑  
云司馬子缺蓋不識微字也顧炎武又疑子微爲承  
禎字劉昫唐書隱逸傳略云潘師正大業中度爲道

士師事王遠知居於嵩山之逍遙谷高宗與天后甚  
尊敬之尋勅所司於師正所居造崇唐觀嶺山別起  
精思觀以處之以永淳元年卒贈太中大夫賜諡曰  
體元先生多與碑合隱逸傳又云道士司馬承禎字  
子微頗善篆隸書元宗令以三體寫老子經續仙傳  
云承禎攻篆迴爲一體號金剪刀書按獄字見說文  
云司空也復說獄司空此以爲司假音字耳其以蘭  
篆爲子微字誤甚蘭乃龜字之誤說文龜籀文子凶  
有髮臂脛在几上也今寫从黃便失其義篆出郭忠  
恕汗簡云爲微字出碧落文今寫作篆亦謫唐時所

金石錄卷六十二  
謂工篆籀文類如此

卅州金  
石記

按碑題弟子中巖道士司馬子微書新唐書隱逸傳司馬承禎字子微洛州溫人事潘師正傳辟殺道引術無不通師正異之曰我得陶隱居正一法速而四世矣因辭去徧遊名山廬天台不出武后嘗召之未幾去舊書傳云承禎周晉州刺史瓊邪公裔元孫少好學薄于爲吏遂爲道士事潘師正傳其符籙及辟穀導引服餌之術師正特賞異之承禎止于天台山則天聞其名召至都降手勅以讚美之及將還勅麟臺監李嶠餞之于洛橋之東

此碑立于聖歷二年殆卽武后自天合召入都時  
所書也又檢齊召南重訂天台山方外志要載唐  
崔尙桐柏觀碑稱司馬承禎一名子微號天台白  
雲子河內溫人晉宣帝弟太常道之後裔祖晟仕  
隋爲親侍大都督父仁最唐興爲朝散大夫襄州  
長史名賢之家奕代清德慶靈之地生此仙才鍊  
師蘊廣成之德睿宗繼黃軒之明齋虛而求將利  
國政侃侃然不可得而動也此文于武后召見事  
略而不書而于承禎之先世較詳于史且不云承  
禎字子微而曰一名子微與碑合又攷雲笈七籤

載中嶽體元潘先生名師正趙州贊皇人喪母廬  
墓以至孝聞真氣內融輝光外發隋大業中入道  
王仙伯盡以隱訣及得符籙相授栖于太室逍遙  
谷積二十年但嚼松葉飲水而已高宗皇帝每降  
鑿輦親詣精廬先生身不下堂接手而已及問所  
須荅言松樹清泉山中不乏帝與武后共尊敬之  
畱連信宿而返尋勅于所居造崇唐觀碑作陸唐觀此似避  
元宗歸改嶺上別起精思院以處之勅置奉天宮令於  
逍遙谷口特開一門號曰仙遊門復於苑北面置  
舞真門太常奏仙樂以祈仙望仙翹仙爲曲皆謂

先生名焉前後賜詩五百首永淳元年告化時年  
八十九贈太中大夫謚曰體元先生弟子十八人  
有韋法昭司馬子微郭崇真此語可廣碑所未備  
又有王屋山貞一司馬先生卽司馬子微所載事  
蹟與桐柏觀碑語同惟云傳授正法至汝六葉與  
舊史及桐柏碑作四世者異

金石萃編卷六十二終

金石萃編卷六十三

賜道士出身 誥授光祿大夫刑部右侍郎加七級王和讓

唐二十三

昇仙太子碑

碑連額高一丈七尺四寸廣六尺五寸三十三行每  
行六十六字行書飛白額題昇仙太子之碑六字在  
儼師縣猴山仙君廟

昇仙太子碑 并序

大周天冊金輪聖神皇帝御製 御書

朕聞天地 雜與 混靈黃於元氣陰陽草昧徵造化於洪

鐘萬品於是養生三才以之肇建然則春榮秋落四時



變寒暑之機玉兔金烏兩曜遞行藏之運是以乾坤至

大不能無傾軼之形②匪至明不能免盈虧之數豈若

混成爲質先二儀以開元北道標名母萬物而爲稱惟

悅惟惚窈冥超言象之端無去無來窳廓出寰區之外

騷騫馭鳳昇八景而戲仙庭駕匪乘雲驅百靈而朝

上帝壺都迴闕玉京爲不死之鄉紫府傍開金闕乃長

生之塗吸朝霞而飲甘露控白鹿而化青龍魚腹神符

已初徵於涓子管中靈藥方演術於封君從壺公而見

玉堂召盧敖而赴嶽剛炎皇少女剩往仙家負局先生

來過吳市或排煙而長往或御風而不旋旣化飯以成

蜂亦變枯而生葉費長房之縮墨目覽遐荒趙簡子之  
賓天親聆廣樂懷中設饌標許彥之奇方座上釣魚呈  
左慈之妙技邊昇闕道遠馳平衢鼓琴瑟而駕輜軿出  
西關而遊北海口呢喻而一息期汗漫於九垓湘東遺  
鳥跡之書濟北致魚山之會拂虹旌於④路飛羽蓋於  
煙郊既入無窮之門遂遊無極之野青虬吐甲爰披五  
岳之文丹鳳銜符式受三皇之訣瀨鄉九井漾德水而  
澄滄淮南八仙著真圖而闡秘自非天姿拔俗靈骨超  
凡豈能訪金籙於轡門尋玉皇於碧落者矣昇仙太子  
者字子喬周靈王之太子也原夫補而益堊之崇基三

分有二之洪業 神宗啓胃先口履帝之祥 聖孝典

源幼表靈額之相白魚標於瑞典赤雀降於禎符屈升

譽於三窮錫陟曠以四馬穀洛之闕嚴父申欲壅之規

而匡救之誠仙儲切犯顏之諫播惠子之懿範歌圖史

之芳聲而靈應難窺冥徵罕測紫雲爲蓋見嘉祝於張

陵白貌成質遺神仙於崔子鳳笙流響恒居伊洛之間

鶴駕騰鏡俄陟神仙之路嵩高嶺上雖藉浮丘之迎緱

氏峯前終待桓良之告傍稽素篆仰叩靈經時將玉帝

之遊乍洽琳宮之宴仙冠岌岌表嘉稱於芙蓉右弼魏

巍効靈官於桐柏九丹可挹仍標延壽之誠千載方傳

尚紀仙至之祀辭青宮而歸九府奔蒼震而慕重羅無  
勞羽翼之功坐致雲霄之賞雖黃庭衆望未接於末塵  
紫洞羣靈豈昧於後乘斯乃騰芳万古擅美千齡豈与  
夫松子陶公同年而語者也我國家先天纂業闢坐栽  
基岬八柱於乾綱紉四維於坤載山鳴鸞鶴爰彰受命  
之祥洛出圖書式北與王之運廓提封於百億聲教洽  
於無垠被岬朔於三千文軌同於有截茫茫宇宙掩沙  
界以疏壇眇眇寰區籠織圍而劃境坐明堂以崇嚴  
祀大禮攸陳謁清廟而展因心洪規更闢文山西峙  
上聳於圓清武井東流下凝於方濁駢柯連理恒騁異

卷之三

三

於彤墀九穗兩岐每呈祥於翠畝神芝吐秀宛成輪蓋  
 之形魏草抽英還司朔望之候山車澤馬充仞於郊畿  
 瑞表祥圖洋溢於中外 乾坤交泰陰陽和而風雨調  
 遠肅还安兵戈戢而燿烽靜西鶴東鯨已告太平之符  
 邛黍江茅屢薦昇中之應而王公卿士百辟羣僚咸詣  
 闕以披誠請登封而告禪敬陳 嚴配之典用展禋宗  
 之儀泥金而叶於告成塵玉而騰於茂實千齡盛禮一  
 旦咸申爾乃鳳輦排虛旣造雲霞之路龍旗拂迴方馳  
 ② 匪之局後殿崇山先鋒擊野千乘万騎鈎陳指靈岳  
 之前谷遠川停羽駕陟仙壇之所旣而馳情煙路係相

傳門途臨松窠之前近瞰桂巖之下重巒絕磴空留落  
景之擘復廟連甍徒見浮雲之影山扉半毀纔觀昔年  
之規礪彌全傾更創今辰之製乃爲子晉重立廟焉仍  
改號爲昇仙太子之廟方依福壘肇啓仙居開廟後之  
新基獲藏中之古劍昆吾挺質巨闕標名白虹將紫電  
爭鋒飛景共流。競彩去夜驚而除衆毒輕百戶而却  
三軍空勞望氣之巫自遇象天之寶殿巖石室紀黃老  
五千之文赫赫靈壇披碧洞三元之錄爰於去歲當遣  
內史注祠雖至祇有路隔之言而冥契著潛通之兆遂  
於此②頻感殊禎迢遶雲間聞鳳笙之度響徘徊空裏

瞻鶴駕之來儀瑞氣氤氳異香芬馥頰承景睨目擊休  
徵爾其近對巖岑遙降嵩嶺變維城之往廟建儲后之  
今祠窮工匠之奇精傍臨絕壑建山川之體勢上冠雲  
電其基則測景名都交風勝壤仰觀元緯○文當天室  
之邦俯囑黃輿壘理處均霜之境膏腴宇宙通百越之  
樓船穴險山原控八方之東騎危峯切漢從水橫川實  
天下之樞機極域中之壯觀於是捫危鑿阨越壑裁基  
命般爾而開筵召公輸而綴思梅梁嗽迥近架煙霞桂  
棟臨虛上連②區窗明雲母將磨景而同擘戶挂琉璃  
其晴天而合色曲閣乘九霄之表重檐架八景之中活

駐迴遊而域排空聊憇息宿志慕三元翹心祈五色

仙儲本口諒難求望迹奇術秘籙猷願口丹口賜靈藥方期久視御隆周

春官尚書檢校內史監修國史上柱國梁口思三思光祿大夫行內史上柱國邢國公思王及善

中大夫守鳳閣侍郎同鳳閣鸞臺平章事上柱國思蘇味道

朝散大夫守鳳閣侍郎同鳳閣鸞臺平章事思魏元忠

銀青光祿大夫守納言上柱國汝陽縣開國男思狄



仁傑

銀青光祿大夫守納言上柱國譙縣開國子思婁師  
德

銀青光祿大夫行鸞臺侍郎同鳳閣鸞臺平章事上  
柱國鄭縣開國子楊再思

朝請大夫守而官侍郎同鳳閣鸞臺平章事左控鶴  
內供奉思吉頊

勅檢校勅使守鳳閣舍正右控鶴內供奉騎都尉  
思□□

題 御製及建辰并梁□三思已下名思薩稷書

採石官朝議郎行洛州來庭縣尉思□峻

題諸□等名左春坊錄事直鳳閣思鍾紹京書

右在上截

承議郎行左春坊錄事直鳳閣思鍾紹京奉 勅勅

御書

真議郎直司禮寺思李元□勅 御書

思卓□□

麟臺楷書令史思□伯□刻字

右在中截左偏

直營繕監直司韓神威刻 御字

洛州永昌縣志朱羅門刻 御字

右在下截左偏

大唐神龍貳年歲次景午水捌月壬申金朔貳拾漆  
日戊戌水開府儀同三司左千牛衛大將軍上柱國  
安國相口旦奉

制刊碑刻石爲記

從官特進行尚書左僕射兼檢校安國相口府長史  
平章軍國重事上柱國芮國公豆盧欽望

從官大中夫夫行安國相口府司馬護軍皇甫忠

朝散大夫守安國相口府諮議上柱國邢國公口溫

朝議大夫行安國相口府記室叅軍事北悅

朝議郎行安國相口府文學韋利器

朝議大夫行安國相口府倉曹叅軍辛道瑜

行安國相口府屬韋慎口

行安國相口府掾北知幾

行安國相口府典軍北苑

行安國相口府典軍衛日新

從安國相口品官行內侍省奚官局令引參目

安國相口品官行內侍省掖庭局令戴思恭

右在中截

京兆韋庶

右在下截中間

附宋鄧洵武題記

四行行七字八  
九字不等正書

政和元年二月廿九日西京畱守鄧洵武率僚屬恭

謁

王子喬祠男雍侍行

右在下截右偏

右周昇仙太子碑武后撰并書昇仙太子者王子晉  
也是時張易之昌宗兄弟方有寵詔諛者以昌宗爲  
子晉後身故武后爲葺其祠親銘而書於其碑君臣

宣淫無耻類如此可發萬古之一笑也

金石錄

武墨滂橫千古而亦假借柔翰天之生才子彼何其不斲也此文未必真出后手當是北門學士語碑首昇仙太子之碑六大字飛白書作鳥形亦佳飛白書久不傳于世此其僅存者耳

石墨  
鑄華

鄭氏金石畧云武后書唐書曰子晉祠武后改爲昇仙太子廟隋唐佳話曰張昌宗之貴也武三思謂之王子晉後身爲詩以贈之詩至今猶傳

說尚

劉昫唐書本紀云聖歷二年二月戊子幸嵩山過王子晉廟丙申幸緱山碑云千乘萬騎鈞陳指靈岳之

前谷遂川淳羽駕陟仙壇之所又云乃爲子晉重立  
廟焉又改號爲昇仙太子之廟卽其事也通鑑云聖  
歷二年二月己丑太后幸嵩山過緱氏謁升仙太子  
廟據碑則子晉廟以六月改名史家不合二月卽稱  
之宜和書譜稱后初得晉王導十世孫方慶家藏書  
蹟摹搨把玩自此筆力益進其行書有丈夫氣今觀  
其草法極工有烏絲方格尙似章草及皇象書水經  
注云休水又東屆零星隴水流潛通重源又發側緱  
氏原開山圖謂之緱氏山也亦云仙者升焉言王子  
晉控鶴斯阜靈王望而不得近舉手謝而去其家得

遺履俗謂之爲撫父堆堆上有子晉祠又案史記索隱顧氏案裴秀冀川記云緱氏仙人廟者昔有王喬礎爲武陽人爲柏人令於此得仙非王子喬也則在水經注之前未知何據神仙之記多近于無稽周書王子晉解師曠謂王子火色不壽未及三年告死者至緱氏周邑或子晉死所耳後人哀之謬云仙也

則天后昇仙太子碑記及宋謝絳修大殿記碑多古

名人題咏俱燬於火

偃師縣志

億按此碑陰中截題名諸人多見史傳今攻之新唐書亦時有漏誤狄仁傑封汝陽縣開國男傳僅言睿



宗又封梁國公舍前封爵不書此又字何所指耶是汝陽開國男宜依碑附書而傳不及爲非也楊再思傳封鄭縣侯今碑陰乃作鄭縣開國子然則傳云侯者亦誤也吉頊在宰相表久視二年三月甲戌頊始加左控鶴內供奉而頊侍武后從幸當聖歷二年碑陰已書此攷相王旦刊碑刻石蓋於神龍二年故得續錄其官也豆盧欽望傳帝復位擢尙書左僕射中宗紀復位當神龍元年下書特進豆盧欽望爲尙書右僕射宰相表神龍元年欽望自特進爲右僕射紀表與傳書左者皆不符得碑陰證之竟作左僕射此

又紀表皆誤而傳爲獨得其實又碑云行內侍省掖  
庭局令據百官志內侍省下其屬局六曰掖庭宮闈  
奚官內僕內府內坊下並列宮闈局令奚官局令內  
僕局令內府局令內坊局令不宜獨畧掖庭致其數  
僅有五與前不符舊唐書有掖庭局令二人推之此  
碑掖庭局令亦當時設官自宜如此而史或脫也

御製雜言遊仙詩億按全唐詩存武后詩四十六篇  
此雜言獨缺載蓋石揚尋搜不及故也錄之以備遺  
脫 又按曾子固跋襄州徧學寺碑碑云鍾紹京書  
其字畫妍媚道勁有法誠少與爲比然今所見特此

碑尚完今余証之此碑題名亦紹京書而幸完無缺  
曾氏未之見也又碑陰諸臣列銜凡王字皆鐫去亦  
由金海陵改定封爵置局立限毀抹王字雖墳墓碑  
志亦所不免而承事者遂波及於前代石刻是碑陰  
亦當被厄是時矣

偃師金石  
遺文記

按昇仙太子廟河南通志載之甚略卽偃師縣志  
亦但云王子喬壇在緱氏保東南五里又云王子  
晉祠在緱山上水經注撫父堆上有子晉祠或言  
在九山非此世代已遠莫能辨之又云劉昉唐書  
本紀聖歷二年二月戊子幸嵩山過王子晉廟丙

中幸緱山偃師志似以爲王子晉廟之見于史者  
僅此也然舊史禮儀志去天册萬歲元年臘月甲  
申親行登封之禮改元萬歲登封丁亥禪于少室  
山己丑御朝觀壇朝羣臣則天以封禪日爲嵩岳  
神祇所祐遂尊神岳天中王爲神岳天中皇帝靈  
妃爲天中皇后夏后啓爲齊聖皇帝封啓母神爲  
玉京太后少室阿姨神爲金闕夫人王子晉爲昇  
仙太子別爲立廟蓋自丙申年奉勅建廟至聖歷  
二年己亥歲廟成武后重幸因立此碑重幸在二  
月立碑在六月也碑雖立于重幸之後而文所叙

鳳輦排虛龍旗拂迴千乘萬騎谷邃川停等語仍是登封時事非重幸也玩上文敬陳嚴配之典用展裡宗之儀皆是指登封也王子晉真誥云父周靈王有子三十八人子晉太子也是爲王子喬弟兄七人得道又列仙傳云王子晉見桓良曰告我家七月七日待我於緱氏山巔至時果乘白鶴駐山頭望之不得到拱手謝時人數日而去碑叙子晉語本此又據後漢書云王喬者河東人也顯宗世爲葉令喬有神術每月朔望常自縣詣臺朝帝怪其來數而不見車騎密令伺望之言其臨至輒

有雙鬼從東南飛來於是候鬼至舉羅張之但得一隻焉則四年中所賜尚書官屬履也或云此卽古仙人王子喬此蓋別是一人後人以其祠墓在葉縣同屬中州往往混而爲一因併識之緜嶺之有撫父堆見太平寰宇記引盧元明嵩山記云覆釜堆亦名撫父堆緜嶺也撫父堆上有子晉祠其來已久武后葺而新之碑所謂山扉半毀纔視昔年之規彌爾全傾更創今辰之製者是也禮儀志載昇仙太子廟與天中皇帝金闕夫人連類而及皆所以報封禪日爲嵩岳神祇所祐也又或者以

武氏之先出自姬姓周平王少子生而有文在手  
曰武遂以爲氏唐世尊崇神仙以老子爲得姓之  
祖周家之昇仙者有子晉因而崇奉之玩碑云我  
國家先天集業開地栽基山鳴鶯鶯爰彰受命之  
祥洛出圖書式兆興王之運云云可證也其云方  
依福地肇啓仙居開廟後之新基獲藏中之古劍  
語似昉于真誥云王子喬墓在京陵戰國時復有  
發其墓者唯見一劍在室人適欲取視忽飛入天  
中也事頗相類蓋真誥言劍在墓室中此則言劍  
在廟後新墓爲異耳至舊唐書云張昌宗是王子

晉後身乃令被羽衣吹簫乘木鶴奏樂于庭如子  
晉乘空語見張行成族孫昌宗附傳係久視元年  
以後事不可謂昇仙立廟因昌宗而作金石錄遽  
加醜詆之詞亦過矣碑陰上刻武后御製雜言遊  
仙篇五七相間用韻不一真雜言也而不著年月  
玩末句有方期久視御隆周則似將有改元久視  
之意當亦重過子晉廟時所作旁列諸臣銜名並  
在碑陰上載內勅檢校勒碑使口口泐其姓名題  
御製及建辰并梁口三思已下名爲薛稷書採石  
官爲口駿泐其姓題諸口等名爲鍾紹京書所謂



檢校勒碑者當卽勒昇仙太子碑御製者指碑文  
首行御製御書字建辰者指末行建碑年月字及  
三思已下名皆薛稷書也採石官卽採此碑之石  
者其題諸臣名是指中截所題從官豆盧欽望諸  
人也而中截又有神龍二年相口且奉制刊碑刻  
石爲記云云又有云鍾紹京奉勅勒御書李元口  
勒御書口伯口刻字韓神威朱羅門刻御字此所  
謂御書御字當卽是碑文之御書勒者二人謂摹  
勒也刻者三人是刻字人也同一勒御書而鍾紹  
京稱奉勅李元口不云奉勅同一刻字而口伯口

稱官稱臣而不云御字端神威書官而不稱臣云  
刻御字朱羅門稱臣而云洛州永昌縣是其里貫  
非官也亦云刻御字皆體例之不一者中宗以神  
龍元年正月復位至十一月太后崩不知何以二  
年相王旦有奉制刊碑刻石爲記之事豈此碑製  
書在聖歷二年上石在神龍二年耶又三思等列  
于上截不云從官豆盧欽望口温皆安國相王府  
官列于中截而云從官邱悅以下又皆不云從官  
何耶以兩唐傳校之三思以下諸人聖歷二年歷  
官與碑同內如王及善婁師德卽以二年卒知不

在二年以後矣狄仁傑之得汝陽縣開國男性碑  
有之兩傳皆失載楊再思舊傳云延載初守鸞臺  
侍郎同鳳閣鸞臺平章事證聖初轉鳳閣侍郎依  
前同平章事兼太子右庶子自宏農縣男累封至  
鄭國公後又云中宗卽位封鄭國公新傳則云延  
載初封鄭縣侯中宗立封宏農郡公改鄭國公兩  
傳官爵皆與碑異吉頊新傳歷官與碑同舊傳則  
在鳳月官與碑同今碑立于六月結銜已如此矣  
碑于吉頊之下一行云勅檢校勅使鳳閣舍人  
右控鶴內供奉騎都尉臣泐其姓名二字據吉頊

傳云時易之昌宗諷則天置控鶴監官員則天以易之爲控鶴監項素與易之兄弟親善遂引項與殿中少監田歸道鳳閣舍人薛稷正諫大夫員半千夏官侍郎李迥秀俱爲控鶴內供奉此碑闕姓名二字當是薛稷官正鳳閣舍人與碑合其田歸道等皆三字姓名與碑不合也又控鶴內供奉傳不云分左右碑則吉頊爲左薛稷爲右也薛稷旣充檢校勒碑使又題御製建辰及三思已下名一人兩見猶下文鍾紹京旣題諸口等名又勒御書亦一人兩見同例也鍾紹京兩傳皆云初爲司農

錄事以工書直鳳閣碑則云左春坊錄事互異也  
相王旦題銜據本紀云中宗自房州還復爲皇太  
子武后封皇嗣爲相王授太子右衛率累遷右羽  
林衛大將軍并州牧安北大都護諸道元帥中宗  
復位進號安國相王與碑不同此下諸人皆安國  
相王府從官惟豆盧欽望邱悅有傳餘俱無攷豆  
盧歷官在神龍二年傳與碑同邱悅附見員半千  
傳新書云半千與悅同爲宏文館直學士舊傳則  
云景龍中爲相王府掾與碑不合

渭南令李府君殘碑

碑連額高九尺二寸五分廣四尺六寸二十八行行  
五十六字爲元人唐誠刻也先估木兒等題名矣茲  
就所可辨識者五十餘言錄之正書額題大  
周渭南令李府君碑九字篆書在渭南縣

大□□□□□縣令李府□碑銘并序

□□□□□□□□□□吉甫撰

上茲邑蓋蒼匪矣闕之下闕恩闕毀瘠過闕之秩滿闕矜

服闕鵲不闕由是行闕矣闕循吏於東闕增闕寒鵬路

下闕以闕而闕於皇闕行闕殊闕滿闕口闕時求芳闕昭闕

光被六幽口口壁口口口十區二闕公闕

附錄元也先估木兒等題名九行從碑正中起左行

承事郎奉元路渭南縣達魯花赤兼管本縣諸軍與

魯勸農事也先帖木兒

從仕郎奉元路渭南縣尹兼管本縣諸軍與魯勸農事趙那孩

進義副尉奉元路渭南縣主簿顏允忠

奉元路渭南縣尉 峯律不花

渭南縣典史 山森

司吏 王珍

韓允

郭舜

徐維忠

右鴻州渭南縣令李君清德碑馬吉甫撰按唐書則  
云天授二年析雍州之渭南慶山置鴻門縣遂以慶  
山鴻門渭南高陵櫟陽置鴻州大足二年廢集古錄

此碑爲元人翻摹泰寧宮記今字蹟隱隱獨存應是

聖歷二年或作元年者非渭陽縣志

唐□□寺造雙像記

石高四尺六寸五分廣三尺三寸  
六分三十一行行四十一字正書

□□□□□千綴

登仕郎官若驚書

□□□□□□□□□□□□□□□□沙不知而解徧知功超□



□於是珠○宵殞四緣發教於西湖金色夜明百位□  
□□□□□□□□□□□□□□放青蓮瑤檝迴苦海之滯  
寶舟迂愛河之浪十号之大一言難述但宇宙茫□□  
□□□□□□□□者佛也可寶可重者在乎因果之福  
功德而矣弟子衡陽□王府行叅軍武騎尉中□□□  
□□□□□□□□掌中早奉過庭之訓承恩膝下遽聞詩  
禮之風所爲□□橫而邪峯槩②聚六塵於首運□  
果於不緣遂使病發膏□□謝平臺之會病纏膝理□  
□歸田之□□以憑台○於彼岸山欲頹而重存託□  
匪於此身卅將逝而□□色空下濟示無言說之門妙

氣上浮皮有詞談之契加以厘萊舊壤堂構故基仰荷  
孫謀之澤恭申昏省之志高祖諱 龍成盤屋縣尉通  
洛縣丞隨崇政縣令仙鬼入駕敷至德於一同祥雀出  
馴播仁風於百里牛刀屢動不覺季之已衰魚鼎頻移  
不知老之將至開皇□□□謝榮時屬堅帝出遊屈  
龍駕於亭館備供頓新垂鴻恩於睿旨遂封亭前水曰  
龍□□□□□□□□□莫不顯忠良□□□飛令  
譽於古今會祖諱 昌仁周三嶠鎮將祖諱 則□□  
□□□□□□□□□峻島聳清□□□心千夫之  
長振升□□五校洎乎仁壽之歲豪傑齊於□□□□



乘時臨宸極而膺□□無爲而朝萬□□無事而靜八  
荒換地②以□□補媾而而永固上奉 得一下及七  
世父母法界衆□□□□雙□□□獨心於獨園  
之內卅二之□相宛若猴池八十種之異儀儼同鹿野  
疾使功凝厚塋□□□□□□高而放慈雲於寶  
帟□其寺也疏基臨水構宇乘巖晚霞落而堯鳳紅晨  
曦亘而棟□□□□□□於塵厓瓊岫福巒舉  
殃氛於霧際都師貞素等五淨疑心□□濂想挺仁山  
於忍草□□□□□□□□乏生知學無談奧徒  
事掄揚之意終乖要妙之詞高而非□□所□大道豈

小口能議輒申狂簡敬□□□雖桑野時遷蓬溟或變  
流一名於三寶與塞久而而長其詞□

釋宗既作法教爰崇周○夜殞□□□□□□道敬

想尊容或鑄琬掣或□金□一其明明尊偽巖巖寶閣俯

帶長流仰連峻嶽夕露成珠朝□□□□□飛雕堯

魚躍<sup>其</sup>二粵若先祖且文且武一世英雄二朝弼輔播美

縑緗揚名金古存忠懸於情□□□□□□字<sup>其</sup>三運逢

屯否時遇糾紛而南塞北鳥散荆分神器改易南返丘

墳瞻雙桐而識井望五柳□□□□<sup>其</sup>四□□□悲恭申仰

報翠石旁采良工側召雙鶴異儀月青殊妙導愛水之

沉淪清火宅之焚燎

其

□□□□□□□□□□深閨山味道

浴池濂心峯如鷲嶺樹等鶴林幽谷延其鍾響清風引

其梵音

其

晦明遷□□□□□□□□□□新無□□說何示何存是

理斯表非言不津敬崇顯乎前烈庶垂裕於後昆

其

大周聖歷□□□□□□□□□□朔三○戊辰建

按碑缺其寺名雙像之義亦不可曉据銘詞云翠

石旁采良工側召雙像異儀丹青殊妙是畫雙像

于石而刻之也首行似係撰文人泐其上五字下

存千級二字亦難解書者宮若鷲史無傳文稱弟

子衡陽王府行參軍武騎尉而缺其姓名衡陽王

睿宗子新唐書三宗諸子列傳惠莊太子搆本名  
成義垂拱三年始王恒與衛趙二王同封俄改王  
衡陽又武后紀長壽二年臘月丁卯降封皇孫成  
器爲壽春郡王恒王成義衡陽郡王下叙高祖諱  
龍成會祖諱昌仁俱仕周隋祖諱則父諱缺泐母  
南陽韓氏伯兄萬基俱不知其姓無從考矣下有  
式建豐碑天册金輪聖神皇帝陛下云云末行大  
周聖歷下缺朔三日戊辰建則碑立于聖歷某年矣  
聖歷建號只二年第三年五月改元久視据下文  
三日戊辰則朔是丙寅考通鑑目錄惟萬歲通天

二年丁酉歲四月丙寅朔長安二年壬寅歲七月  
丙寅朔聖歷紀元中無有丙寅朔者則碑立何年  
不可定矣曾祖仕周爲三嶠鎮將唐書地理志河  
南道其名山三嶠少室云云三嶠之名僅見於地  
理志序志中陝州峽石縣註云本嶠縣義寧二年  
省武德元年復置至貞觀十四年移治峽石塢因  
更名有底柱山山有三門河所經而不載三嶠元  
和郡縣志硤石縣底柱山俗名三門在縣東北五  
十里黃河中禹貢導河積石至于龍門又東至于  
底柱河水分流包山山見水中若柱然也又以禹



理洪水山陵當水者破之以通河三穿旣決河出  
其間有似門故俗號三門趙一清水經注釋引全  
祖望曰趙冬曦云砥柱山之六峯皆生河之中流  
夏后所鑿其最北有兩柱相對距崖而立卽所謂  
三門也都穆云砥柱在陝州東五十里黃河中循  
河至三門中曰神門南曰鬼門北曰人門水行其  
間聲激如雷而鬼門尤爲險惡舟筏一入鮮有得  
脫三門之廣約二十丈其東百五十步卽砥柱崇  
約三丈周數丈以三門爲砥柱者誤也以諸說證  
之底柱之三門似卽峽石之三峭胡渭禹貢錐指

水經注河之右則殺水注之水出河南盤殺山東  
北流與石殺水合石殺水出石殺山山有二陵南  
陵夏侯臯之墓也北陵文王所避風雨矣殺水又  
北注于河又東千嶠之水注焉水南導于千嶠之  
山北流注于河河水翼岸夾山巍峯岐舉重嶺千  
霄渭按嶠在今河南府永寧縣北六十里元和志  
云自東嶠至西嶠長三十五里在秦關之東漢關  
之西嶠與殺同又據河南通志殺山在陝州城東  
三十里一名嶽登山春秋時晉敗秦師于殺卽此  
東殺至西殺相去三十里路極險又似三殺卽此

山然殺只分東西不應云三峭矣太平寰宇記稱  
硤石縣本漢陝縣地後魏太和十一年分陝縣東  
界於宕廬置峭縣取峭山爲名隋初改爲硤石縣  
大業二年廢入陝縣唐義寧元年再置峭縣理硤  
石塢二年省武德元年再立三年移理鳴橋故鎮  
按此所謂鳴橋故鎮疑卽碑所稱三峭鎮將之治  
所餘俱無考

于大猷碑

碑高九尺三寸廣四尺四寸三十分行  
六十三字正書在三原縣北三家店

唐明堂令于大猷碑

粵以天子制□□□□□□□□□□  
□字□□□□□□□□□□有一蓋所以設方伯置令長疆  
□□□□□□□□□□故□□國之心腹河東郡之股  
肱非賢勿居惟材是寄大則曳青編而紆銀印小則綰  
墨綬而佩銅章是以□宰□□□後則以□□御史俾  
□□邑□□則以東宮□□故能齊其政而不失其宜  
修其教而不易其俗者其惟明堂縣令東海于公平公  
諱大猷字徽本東海邾人□□□□□□□□□□□□  
□□□□□□□□□□之命□開□侯伯之保姓受氏祚□  
則周公之龔邢韓則武王之穆金章建國里中大丞相

之門玉帳口家口口列將軍之口曾祖宣道隨內史口  
人左衛率口安縣開國子 皇朝贈使持節都督

涼肅甘瓜沙五州諸軍事涼州刺史謚曰獻徐遷以東  
州儒素劉超則西省人倫口口口口警彤闡執口符而  
飛口口口德降衷口之則優口口告第之儀祖志寧禮  
部尚書侍中尚書左僕射太子太傅太師上柱國燕國  
公贈使持節都督幽易媯檀口口六州諸軍事幽州刺  
史謚曰定皂裙瓊口北汁喉舌之司絳服金鞞西掖股  
拔之寄劔履上殿方崇重傅之恩羽葆蓋車式備尊師  
之禮鳳儀惟其口口龍口口口口口父立政尚書吏部

郎中國子司業太子率更令渠豨二州刺史太僕少卿  
十護軍仙臺侍女禮閣郎官攝齋槐肆之前曳粗桂山  
之口郗超以蕃伯之望摠□□□防□以□公之材榮  
赤象海公□山□下□溟鱗化明珠則徑寸爲寶白璧  
則盈尺稱環小年識五方之書大成通九經之義嬉戲  
則以詩書禮樂造次則以□□□□□□三年解褐左  
千牛備□材推令德士選良家 青瑛晨巖

赤墀近侍緣坐左遷梓州參軍事謫卽謫居各非投俚  
郗嘉賓之卓犖高行見□公□□□□之傲儻不□言  
歸□府轉桂州都督府功曹參軍境接蒼溪載洽昇龍

之譽地隣鯨海幾淪棲鳳之材文明元年選授蘇州

兵參軍東里□□□□州□□□□□□謂屈蠻府

參軍□□□□劍遊□金石錫印章而錄舊膺璽誥而

念勞垂拱三年 勅除并州大都督府士曹參軍

唐叔剪桐之境□爾□□□□分竹之郊光我藩翰粉

榆之□□為沮洳之州豐沛之郊何必芒碭之澤帝鄉

推其善價公府義其良圖惡少遷佩憤之風流俗漸驅

鷄之化永昌元年授洛州□參軍□□佐鎮西之府□

□處平南之軍太守范滂主諾之聲猷自遠功曹□駐

坐嘯之風裁獨高 制授朝散大夫餘如故尋加

朝請大夫□□□□□榮曜朱紱材光紫誥蔣公  
禦豈千石之器而委割鷄龐士元非百里之材方思展  
驥

制除德州司馬又遷汾州長史一冠介贖二  
職形猶歷□事之□居□□□形色安于席地神意  
□乎□□不撓於危無負於物聖觀元年除使持節隨  
州諸軍事隨州刺史田叔以壯勇而刺三河王尊以忠  
貞而驅九折分行□□□□以□彊宗獨坐州鎮觀□  
而□□揆聖觀二年

制除□州明堂縣令黃圖  
帝國黑水神皋地卽京都人多傑暴信陽侯之門客尚  
在必誅寧平□之家僮□□□威信表西門之化惠



愛奉東里之風抑挫右姓誅□□猾災蝗宛轉由去督  
郵義鳥歸飛爲馴童子推誠而理則人不忍欺宿訟無  
冤則吏維仰德加以□□□□□笥五經三寸弱毫迥  
□□羽四□□素縞鳳和□眷眷吏人預軫去思之戀  
依依故□每哥來晚之謠悲夫安仁七旬不□箱中之  
術桓□五□□□□上之行□聖鑒三年七月十日終  
於萬年縣常樂里之私第春秋五十七黃髮攀輶心傷  
折石之痛碎髮戀挹臉盈埋玉之悲公□□□□稱  
□□□□□風神□□黃金必弃每見揮鋤赤足無  
留恒持桂樹槐角之歲隱□駭而不驚佩觿之年□衣

去而無愠一日千里四代五公忠孝足以光時能賢足以軌物夫人榮陽□氏父□矩雍州富平縣令魏趙郡李氏外□□都公□□公□□尚書□友□門都□蘭儀婉淑女訓芬乎奉帚母師光乎主饋卽以其年歲次庚子十一月乙亥朔十二日□戌合葬於雍州三原縣萬壽鄉□坳□先塋禮也兄銀青光祿大夫行太子左庶子使持節都督兗州諸軍事兗州刺史辯機鯉庭禮樂□□□□山入□□□正人外臺□□慰茲羣庶鶴鶴□□□摧金玉之心鴻鷹悲鳴若灑瓊瓊之□嗟乎八龍長逝三虎永懷庶振家聲思光祖德南陽陌上

爰標柱石之墳□□□□□□生金之□其□曰

浩浩淇源□□□代□□□□□□益錫爵分茅□

官食采邢韓之穆里閭其大其一傅相繼業公侯踵武氣

雄家邦榮□區字人之領袖物之規矩□□□□□□

公輔其二□□俊德丕承寵光風儀礪落天骨昂藏家□

之盛門戶之綱藎茲珪組侍彼巖廊其三銅陵之東珠崖

之北姑蘇臺下晏愠鼎側踟然令望偉哉□□□□□

□刑十□□□其四□□師□賢哉主吏聯翩化鶴徘徊□

驥球琳之寶珊瑚之器白日旣披青雲自致其五漢東舊

國隨有大名□西列郡秦稱上□□□□□□□□□□

□□□□□加□城

其六

秩秩德音凜凜風格山靈固□

河神是迫手荅牋書心明札撻垂螟感化犬牙移陌

其七

僉言惠愛帝曰允諧劇□行□繁俗□□□鸞□□□

□□□□□□□□□□□其八衣冠遠謝袞職誰補□

颶風悲蒼茫霧苦寂寂子荒隧幽幽子后土石柳

掩子千年金□□子萬古

其九

此碑僅存強半書者名氏遂不可求按大猷志寧之

孫立政之子志寧之元孫休烈顯于肅代朝傳云休

烈父默成沛縣令早卒合之正爲四世但不知默成

者是大猷子否趙明誠有默成碑今不可得見矣

石

鵠

碑云聖歷三年歲次庚子十一月十二日合葬於雍州三原縣萬壽鄉之先塋而碑非此時立也蓋後續爲之故其書並不用武后所製字

金石文字記

按大猷無子其兄兗州刺史辨機葬之故有鵠鵠懷斷鴻雁悲鳴之語細閱官階無所謂明堂令者而趙氏目則云明堂令于大猷碑豈以其序首之文錄之或當時碑未殘闕其額與題尚有据耶按志寧傳舊書子立政元孫放休烈休烈子益新書休烈放益肅球珪瓌琮如大猷父子兄弟皆不載可以補于氏之

決也正書酷似褚登善于聖歷中不用武后所置諸

字尤爲僅見云

金石後錄

今在三原縣北五十里三家店碑首已失存千二百  
字按新唐書于志寧傳父宜道隨內史舍人餘官爵  
及謚均未載志寧贈幽州都督今碑稱幽州刺史是  
史誤也宜從碑

雍州金石記

唐書于志寧傳載志寧官爵頗詳于封燕國公後加  
尚書右僕射同中書門下三品兼太子少師顯慶四  
年解僕射拜太子太師出爲棊州刺史改華州卒贈  
幽州都督與碑不甚相合

關中金石記

右明堂令于大猷碑唐制京縣令正五品上輦轂之地職務要劇大猷雖歷任德州司馬汾州長史隨州刺史而改任京縣當時不以爲左降也唐書于志寧傳云京兆高陵人碑云東海邾人者蓋舉其族望此碑乃大猷之兄兗州刺史辯機所立攷世系表本名知微字辯機碑于祖父皆稱名不應獨書兄字竊意辯機本知微之名明皇之世避嫌名改以字行如劉知幾之改爲子元耳碑云風儀礪落天骨昂藏礪卽磊字昂卽昂字唐人謹于家諱此爲大猷立碑乃不

避猷字

潛研堂金石文跋尾

按碑題云明堂令于大猷碑文前云其惟明堂縣  
令東海于公平後云聖歷二年制除口州明堂縣  
合州名泐一字乃雍字也元和郡縣志舊唐書地  
理志皆云萬年縣乾封元年分置明堂理永樂坊  
長安三年廢復併萬年新書地理志總章元年析  
置明堂縣長安二年省太平寰宇記云二年六月舊書高宗紀  
總章元年二月己卯分長安萬年置乾封明堂二  
縣分理于京城之中則明堂縣之置于總章元年  
爲有據也碑文明言制除雍州明堂縣令而金石  
後錄以爲細閱官階無所謂明堂令者何耶碑叙



其先世曰曾祖宣道祖志寧父立政爾唐書不爲  
大猷立傳而于其祖志寧傳皆云京兆長安人此  
碑作東海鄆人者從舊貫也說已詳志寧碑跋新  
唐書宰相世系表于謹仕後周太師燕文公生九  
子曰實翼義智紹弼簡禮廣義二子曰宣道宣敏  
宣儼無子以宣道子志寧繼志寧生二子曰立政  
慎言立政生四子曰遊藝知微先遠大猷大猷無  
子其卒也宜乎凡知微爲之立碑然碑云春秋五  
十七金石後錄乃謂其妖則又非矣又據宰相世  
系表志寧次子慎言生安貞安貞二子仙鼎默成

默成三子嘉祥休徵休烈是休烈爲慎言之曾孫  
默成爲從弟安貞之子石墨錫華殆亦未檢唐表  
也大猷以聖歷三年七月十日卒是歲五月已改  
元久視不知碑何以尙作聖歷則不能明矣夫人  
爲滎陽望泐其姓當是鄭氏也合葬雍州三原縣  
萬壽鄉口坳口先塋据志寧碑云葬于萬壽鄉清  
池里則此或仍是清池里也唐書無辯機傳而表  
則云兗州刺史東海郡公碑不書爵者想立碑之  
年猶未加也辯機是字其名知微而碑直自署曰  
辯機想兄撰其弟碑可自稱字耶

金石萃編卷六十三終